



Broj: 05/1-50-15-26-10-6/22
Sarajevo, 22.4.2022.

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
DOM NARODA

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:			
Organizaciona jedinica	Klasifikaciona oznaka	ni broj	Broj priloga
05/1-	50-15-	646	/22

PREDMET: Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2021. godinu

Poštovani,

U skladu sa članom 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH" broj 36/08) i članom 9. Poslovnika o radu Nezavisnog odbora kao nezavisnog tijela policijske strukture BiH ("Službeni glasnik BiH" broj 93/09) Nezavisni odbor je na 10. sjednici održanoj 19. 4. 2022. godine usvojio Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2021. godinu i dostavlja ga Parlamentarnoj skupštini BiH na usvajanje.

S poštovanjem,



Prilog: Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2021. godinu na bosanskom, hrvatskom i srpskom jeziku

Dostavljeno:

- Naslovu
- a/a



Broj: 05/I-50-15-26-10-4/22

Sarajevo, 19. 4. 2022.

IZVJEŠTAJ

**o radu Nezavisnog odbora kao nezavisnog tijela policijske strukture Bosne i
Hercegovine za 2021. godinu**

April 2022. godine

SADRŽAJ

POGLAVLJE I. UVODNE NAPOMENE	3
POGLAVLJE II. NADLEŽNOSTI NEZAVISNOG ODBORA	4
POGLAVLJE III. IZVRŠAVANJE ZADATAKA IZ NADLEŽNOSTI NEZAVISNOG ODBORA.....	4
Odjeljak A. Realizacija zadataka održavanjem redovnih sjednica Nezavisnog odbora..	5
Odjeljak B. Realizacija zadataka održavanjem sastanaka s rukovodiocima policijskih tijela BiH u skladu s Planom rada za 2021.	10
1. Posjeta Direkciji za koordinaciju policijskih tijela BiH, 22. 6. 2021.	10
2. Posjeta Državnoj agenciji za istrage i zaštitu, 14. 7. 2021.	12
3. Posjeta Graničnoj policiji BiH, 30. 8. 2021.	12
POGLAVLJE IV. SARADNJA S MEĐUNARODNIM ORGANIZACIJAMA I OSIGURANJE JAVNOSTI RADA.....	13
POGLAVLJE V. ADMINISTRATIVNO-TEHNIČKA PODRŠKA RADU.....	13
POGLAVLJE VI. PREPORUKE I ZAKLJUČCI.....	13

Na osnovu člana 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine i člana 9. tačka e) Poslovnika o radu Nezavisnog odbora kao nezavisnog tijela policijske strukture Bosne i Hercegovine, Nezavisni odbor je na 10. sjednici, održanoj 19. 4. 2022, usvojio i Parlamentarnoj skupštini Bosne i Hercegovine podnosi sljedeći

I Z V J E Š T A J

o radu Nezavisnog odbora kao nezavisnog tijela policijske strukture Bosne i Hercegovine za 2021. godinu

POGLAVLJE I. UVODNE NAPOMENE

Nezavisni odbor osnovan je Zakonom o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08), kao nezavisno tijelo Parlamentarne skupštine BiH.

Nezavisni odbor ima devet članova koji su imenovani na mandat od četiri godine odlukom Parlamentarne skupštine BiH ("Službeni glasnik BiH", broj 10/21).

Nezavisni odbor kao nezavisno tijelo policijske strukture BiH (u daljnjem tekstu: Nezavisni odbor) nezavisno je tijelo Parlamentarne skupštine BiH s nadležnostima utvrđenim Zakonom o nezavisnim i nadzornim tijelima policijske strukture BiH („Službeni glasnik BiH“, broj 36/08) i Poslovníkom o radu Nezavisnog odbora („Službeni glasnik BiH“, broj 93/09). Na osnovu člana 5. st. (1) i (3) Zakona o nezavisnim i nadzornim tijelima policijske strukture BiH („Službeni glasnik BiH“, broj 36/08), Parlamentarna skupština BiH je (Predstavnički dom na 16. sjednici održanoj, 3. 2. 2021, i Dom naroda, na 15. sjednici, održanoj 10. 2. 2021), imenovala novi saziv Nezavisnog odbora na mandat od četiri godine, i to:

1. Enes Obralića, predsjednik Nezavisnog odbora,
2. Miše Ćavar, prvi zamjenik predsjednika Nezavisnog odbora,
3. Uroš Pena, drugi zamjenik predsjednika Nezavisnog odbora,
4. Muhamed Mujakić, član Nezavisnog odbora,
5. Enes Bezdrob, član Nezavisnog odbora,
6. Mate Miletić, član Nezavisnog odbora,
7. Nikola Džambas, član Nezavisnog odbora,

8. Darko Kremenović, član Nezavisnog odbora, i
9. Milan Stanić, član Nezavisnog odbora.

POGLAVLJE II. NADLEŽNOSTI NEZAVISNOG ODBORA

Nezavisni odbor je, u skladu sa Zakonom o nezavisnim i nadzornim tijelima policijske strukture BiH i Poslovníkom o radu Nezavisnog odbora, nadležan za provođenje procesa odabira kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH; objavljivanje javnih konkursa i razmatranje prijave kandidata, vršenje odabira i dostavljanje ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH, predlaganje smjenjivanja rukovodilaca i zamjenika rukovodilaca policijskih tijela BiH, ako su počinili krivično djelo, osim za krivična djela iz oblasti sigurnosti saobraćaja, ili ako počine tešku povredu službene dužnosti, kao i u slučaju ako utvrdi da ne postižu odgovarajuće rezultate, razmatranje pritužbi na rad rukovodilaca i zamjenika rukovodilaca policijskih tijela BiH i obavještanje o tome ministra sigurnosti BiH i Vijeće ministara BiH, iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH, obradu podataka i vođenje evidencije u skladu sa zakonom i drugim propisima i ostale poslove propisane zakonom, Poslovníkom o radu i drugim propisima.

POGLAVLJE III. IZVRŠENJE ZADATAKA IZ NADLEŽNOSTI NEZAVISNOG ODBORA

Osnovna nadležnost Nezavisnog odbora je provođenje procesa odabira kandidata za rukovodioce i zamjenike rukovodilaca policijskih tijela BiH, te u vezi s tim objavljivanje javnih konkursa i razmatranje prijave kandidata, vršenje odabira i dostavljanje ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH.

Nezavisni odbor je u toku 2021. godine redovno održavao komunikaciju s rukovodiocima policijskih agencija po svim bitnim pitanjima iz njihovog djelokruga, s posebnim naglaskom

na aktivnosti koje su policijska tijela preduzimala u vezi s događanjima koja su izazivala veću medijsku pažnju.

Osim ove nadležnosti, Nezavisni odbor nadležan je i za predlaganje smjenjivanja rukovodilaca i zamjenika rukovodilaca policijskih tijela BiH, te iniciranje pokretanja disciplinskih postupaka protiv rukovodilaca policijskih agencija BiH.

Odjeljak A. Realizacija zadataka održavanjem sjednica Nezavisnog odbora

U izvještajnom periodu Nezavisni odbor održao je deset redovnih sjednica na kojima su ukupno razmatrane 32 tačke dnevnog reda i devet podtačaka, te je donesen jedan zaključak.

Broj i datum održavanja sjednice	Broj razmatranih tačaka dnevnog reda na sjednici	Broj prisutnih članova sjednicama Nezavisnog odbora	Broj članova koji nisu bili prisutni sjednicama Nezavisnog odbora	Zakazivane pa otkazivane sjednice iz objektivnih razloga
78. - 18. 1. 2021.	3	8	1	
79. - 2. 2. 2021.	3	8	1	
1. - 9. 3. 2021.	3	9		
2. - 12. 4. 2021.	3	9		
3. - 18. 5. 2021.	3	8	1	
4. - 22. 6. 2021.	4	9		
5. - 14. 7. 2021.	4	9		
6. - 26. 10. 2021.	2	9		30. 8. 2021. i 27. 9. 2021.
7. - 24. 11. 2021.	3	9		
8. - 14. 12. 2021.	2	8	1	

Nezavisni odbor je na sjednicama razmatrao pitanja iz svoje nadležnosti, od kojih izdvajamo:

Na 78. sjednici Nezavisnog odbora, održanoj 18. 1. 2021, razmatran je Prijedlog izvještaja o radu Nezavisnog odbora Parlamentarne skupštine Bosne i Hercegovine kao nezavisnog

tijela policijske strukture Bosne i Hercegovine za 2020. godinu koji je nakon rasprave jednoglasno usvojen.

Razmatrana je i anonimna predstavka dostavljena ovom tijelu od Odbora za žalbe građana Parlamentarne skupštine BiH kao i dopis advokata iz Zagreba pristigao na e-mail Nezavisnog odbora koji se odnosi na "ukradenu ikonu koju je Ruska Federacija vratila Bosni i Hercegovini radi utvrđivanja njenog porijekla putem Interpola".

Također, jednoglasno je usvojen i sljedeći

ZAKLJUČAK

Od Direkcije za koordinaciju policijskih tijela BiH, Državne agencije za istrage i zaštitu i Granične policije BiH traži se dostavljanje Izvještaja o radu za 2020. godinu i Programa rada za 2021. godinu, najkasnije do 27. 1. 2021, radi sagledavanja provedenih i planskih aktivnosti ovih policijskih tijela.

Na 79. sjednici Nezavisnog odbora, održanoj 2. 2. 2021, razmatran je Prijedlog izvještaja o radu Direkcije za koordinaciju policijskih tijela BiH za 2020. godinu i Prijedlog programa rada Direkcije za koordinaciju policijskih tijela BiH za 2021. godinu koje je rukovodstvo Direkcije za koordinaciju policijskih tijela BiH dostavilo Nezavisnom odboru u skladu sa zaključkom sa 78. sjednice. Nakon rasprave, Prijedlog izvještaja o radu Direkcije za koordinaciju policijskih tijela BiH za 2020. godinu i Prijedlog programa rada Direkcije za koordinaciju policijskih tijela BiH za 2021. godinu jednoglasno su primljeni k znanju.

Na konstituirajućoj sjednici Nezavisnog odbora, održanoj 9. 3. 2021, Odlukom oba doma Parlamentarne skupštine BiH o imenovanju Nezavisnog odbora kao nezavisnog tijela policijske strukture Bosne i Hercegovine ("Službeni glasnik BiH", broj 10/21 od 16. 2. 2021) imenovani su predsjednik Nezavisnog odbora, prvi i drugi zamjenik predsjednika Nezavisnog odbora te članovi Nezavisnog odbora:

1. Enes Obralića, predsjednik Nezavisnog odbora,
2. Miše Ćavar, prvi zamjenik predsjednika Nezavisnog odbora,
3. Uroš Pena, drugi zamjenik predsjednika Nezavisnog odbora,
4. Muhamed Mujakić, član Nezavisnog odbora,
5. Enes Bezdob, član Nezavisnog odbora,
6. Mate Miletić, član Nezavisnog odbora,

7. Nikola Džambas, član Nezavisnog odbora,
8. Darko Kremenović, član Nezavisnog odbora, i
9. Milan Stanić, član Nezavisnog odbora.

Dogovorena je okvirna metodologija rada Nezavisnog odbora kada je u pitanju održavanje sjednica Nezavisnog odbora kao i djelovanje Nezavisnog odbora iz svoje nadležnosti.

Na 2. sjednici Nezavisnog odbora, održanoj 12. 4. 2021, razmatran je Izvještaj o radu Državne agencije za istrage i zaštitu za 2020. godinu i Program rada Državne agencije za istrage i zaštitu za 2021. godinu koje je rukovodstvo Državne agencije za istrage i zaštitu dostavilo Nezavisnom odboru u skladu sa zaključkom sa 78. sjednice. U vezi s tim, na sjednicu su pozvani i prisustvovali joj Darko Čulum, direktor Državne agencije za istrage i zaštitu, i Đuro Knežević, zamjenik direktora Državne agencije za istrage i zaštitu, kako bi s članovima Nezavisnog odbora razmatrali dostavljeni materijal. U raspravi o ovoj tački dnevnog reda i razgovoru s direktorom i zamjenikom direktora Državne agencije za istrage i zaštitu učestvovali su svi članovi Nezavisnog odbora.

Razgovarali su o trenutnom stanju u Državnoj agenciji za istrage i zaštitu, rezultatima koje su ostvarili u prethodnom periodu, a posebno kada je u pitanju organizirani kriminal, borba protiv terorizma, trgovina ljudima i narkoticima, problemima s kojima se susreću u radu, kadrovskoj popunjenosti, nacionalnoj strukturi zaposlenih u ovoj policijskoj agenciji, o problemu neujednačenosti prilikom ostvarivanja prava na penziju policijskih službenika iz Federacije BiH i Republike Srpske, o Zakonu o policijskim službenicima, Zakonu o Državnoj agenciji za istrage i zaštitu, saradnji s drugim policijskim agencijama kao i s Tužilaštvom BiH.

Rukovodstvo Državne agencije za istrage i zaštitu informiralo je članove Nezavisnog odbora da je Izvještaj o radu za 2020. i Program rada za 2021. godinu usvojilo Vijeće ministara BiH. Nakon rasprave, članovi Nezavisnog odbora jednoglasno su primili k znanju Izvještaj o radu za 2020. i Program rada za 2021. godinu Državne agencije za istrage i zaštitu.

Razmatrana je i predstavka koja je pristigla posredstvom službenog e-maila, a za koju je Nezavisni odbor jednoglasno konstatirao da nije stvarno nadležan za postupanje po njoj, o čemu je njen podnosilac obaviješten.

Na 3. sjednici Nezavisnog odbora, održanoj 18. 5. 2021, razmatran je Izvještaj o radu Granične policije BiH za 2020. godinu i Prijedlog programa rada Granične policije BiH za

2021. godinu koje je rukovodstvo Granične policije BiH dostavilo Nezavisnom odboru u skladu sa zaključkom sa 78. sjednice. U vezi s tim, na sjednicu su pozvani i prisustvovali joj Zoran Galić, direktor Granične policije BiH, i Fahrudin Halač, zamjenik direktora Granične policije BiH, kako bi s članovima Nezavisnog odbora razmatrali dostavljeni materijal. U raspravi o ovoj tački dnevnog reda i razgovoru s direktorom i zamjenikom direktora Granične policije BiH učestvovala je većina prisutnih članova Nezavisnog odbora.

Razgovarali su o trenutnom stanju u Graničnoj policiji BiH, rezultatima koje su ostvarili u prethodnom periodu kao i o problemima s kojima se susreću u radu, migrantskoj krizi, kadrovskoj i nacionalnoj popunjenosti u ovoj policijskoj agenciji, nedostatku velikog broja policijskih službenika, izmjenama Zakona o policijskim službenicima s naglaskom na eksterni premještaj policijskih službenika, materijalno-tehničkim sredstvima kojima raspolažu, saradnji s drugim policijskim agencijama u BiH, kao i s Tužilaštvom BiH te saradnji između direktora i zamjenika direktora.

Nakon rasprave, članovi Nezavisnog odbora jednoglasno su primili k znanju Izvještaj o radu Granične policije BiH za 2020. godinu i Program rada Granične policije BiH za 2021. godinu.

Dalje, jednoglasno je usvojena Odluka o izgledu i sadržaju službene legitimacije članova Nezavisnog odbora koja je dostavljena Zajedničkoj službi Parlamentarne skupštine BiH na daljnje postupanje.

Dogovoreni su i timovi za posjete Direkciji za koordinaciju policijskih tijela BiH, Državnoj agenciji za istrage i zaštitu i Graničnoj policiji BiH kako slijedi:

Direkciji za koordinaciju policijskih tijela BiH:

1. Miše Ćavar, prvi zamjenik predsjednika Nezavisnog odbora
2. Enes Bezdrob, član Nezavisnog odbora
3. Darko Kremenović, član Nezavisnog odbora

Državnoj agenciji za istrage i zaštitu:

1. Enes Obralića, predsjednik Nezavisnog odbora
2. Mate Miletić, član Nezavisnog odbora
3. Milan Stanić, član Nezavisnog odbora

Graničnoj policiji BiH:

1. Uroš Pena, drugi zamjenik predsjednika Nezavisnog odbora
2. Nikola Džambas, član Nezavisnog odbora
3. Muhamed Mujakić, član Nezavisnog odbora.

Na 4. sjednici Nezavisnog odbora, održanoj 22. 6. 2021, razmatrana je informacija o posjeti članova Nezavisnog odbora Direkciji za koordinaciju policijskih tijela BiH koju su, u skladu s dogovorom s 3. sjednice, posjetili Miše Ćavar, prvi zamjenik predsjednika Nezavisnog odbora, Enes Bezdrob i Milan Stanić, članovi Nezavisnog odbora.

Na 5. sjednici Nezavisnog odbora, održanoj 14. 7. 2021, članovi Nezavisnog odbora jednoglasno su usvojili Izvještaj sa sastanka članova Nezavisnog odbora s rukovodstvom Direkcije za koordinaciju policijskih tijela BiH od 22. 6. 2021.

Razmatrana je i informacija o posjeti članova Nezavisnog odbora Državnoj agenciji za istrage i zaštitu u kojoj su, u skladu s dogovorom s 4. sjednice, bili Enes Obralića, predsjednik Nezavisnog odbora, Mate Miletić, Milan Stanić i Muhamed Mujakić, članovi Nezavisnog odbora.

Na 6. sjednici Nezavisnog odbora, održanoj 26. 10. 2021, razmatrana je molba pristigla na e-mail Nezavisnog odbora za angažiranje po ugovoru o djelu za koju je jednoglasno konstatirano da Nezavisni odbor nema pravnu mogućnost ni nadležnost da postupi po ovoj molbi, o čemu je podnosilac molbe obaviješten. Također, razmatrane su i tri predstavke pristigle na e-mail Nezavisnog odbora za koje je jednoglasno konstatirano da Nezavisni odbor nije nadležan za rješavanje predstavki te da se one stave ad acta.

Na 7. sjednici Nezavisnog odbora, održanoj 24. 11. 2021, razmatran je dopis Pravobranilaštva BiH kojim ovom tijelu dostavljaju k znanju Rješenje Suda BiH – Revizija tužioca se odbacuje kao nedopuštena u predmetu Nj. J.

Također, usaglašeno je da se od Direkcije za koordinaciju policijskih tijela BiH, Granične policije BiH i Državne agencije za istrage i zaštitu zatraže programi rada za 2022. godinu.

Na 8. sjednici Nezavisnog odbora, održanoj 14. 12. 2021, razmatrana je predstavka pristigla na e-mail Nezavisnog odbora za koje je jednoglasno konstatirano da Nezavisni odbor nije nadležan za rješavanje predstavke te da se ona stavi ad acta.

Odjeljak B. Realizacija zadataka održavanjem sastanaka s rukovodiocima policijskih tijela BiH u skladu s Planom rada za 2021. godinu

Planom rada Nezavisnog odbora za 2021. godinu predviđeno je održavanje pojedinačnih sastanaka s rukovodstvom Direkcije za koordinaciju policijskih tijela BiH, Državne agencije za istrage i zaštitu i Granične policije BiH. Cilj ovih sastanaka je uvid u rad i upoznavanje s problemima s kojima se u radu susreću rukovodioci policijskih agencija BiH. Nezavisni odbor obavlja zadatke iz svoje nadležnosti i putem izvještaja o radu koji dostavlja Parlamentarnoj skupštini BiH na razmatranje i usvajanje informira je o problemima u radu policijskih agencija BiH iz svoje nadležnosti.

Nezavisni odbor je u 2021. godini, u skladu s članom 18. Poslovnika o radu Nezavisnog odbora i Planom rada Nezavisnog odbora za 2021. godinu, obavio posjete:

Posjete	Datum posjete
Direkciji za koordinaciju policijskih tijela BiH	22. 6. 2021.
Državnoj agenciji za istrage i zaštitu	14. 7. 2021.
Graničnoj policiji BiH	30. 8. 2021.

1. Direkciji za koordinaciju policijskih tijela BiH, 22. 6. 2021.

Sastanak članova Nezavisnog odbora kao nezavisnog tijela policijske strukture BiH s direktorom Direkcije za koordinaciju policijskih tijela BiH Mirsadom Vilićem, zamjenicima direktora Direkcije za koordinaciju policijskih tijela BiH Ivicom Bošnjakom i Rankom Vukovićem održan je 22. 6. 2021. u prostorijama Direkcije za koordinaciju policijskih tijela BiH. U ime Nezavisnog odbora sastanku su prisustvovali: Miše Ćavar, prvi zamjenik predsjednika Nezavisnog odbora, Enes Bezdob i Milan Stanić, članovi Nezavisnog odbora, te Ivana Lovrić, sekretarka Nezavisnog odbora.

Direktor Direkcije za koordinaciju policijskih tijela BiH upoznao je članove Nezavisnog odbora o značajnim aktivnostima koje su imali u proteklom periodu te da je misija i vizija

ove policijske agencije jačanje komunikacije s drugim tijelima u Bosni i Hercegovini kao i težnja da ona postane savremena agencija u službi svih građana Bosne i Hercegovine.

U razgovoru s članovima Nezavisnog odbora direktor je istakao da ima izuzetno dobru saradnju s drugim policijskim agencijama u BiH, kao i s Obavještajno-sigurnosnom agencijom te Oružanim snagama BiH. Poseban akcenat je na saradnji s Graničnom policijom BiH kojoj sa oko 50 policijskih službenika pružaju konstantnu podršku u obavljanju poslova granične kontrole na području Višegrada i Bijeljine.

Također, istakao je da je uspješna i međunarodna saradnja te da je ostvareno dosta dobrih rezultata kada je u pitanju ilegalna trgovina ljudima, trgovina opojnim sredstvima te eksplozivnim napravama i dr. Uspješna je saradnja i komunikacija s INTERPOL-om, EUROPOL-om i SELEC-om.

U nastavku razgovora direktor je istakao da ova agencija na osnovu Odluke o određivanju osoba, objekata i vrijednosnih pošiljki koji se štite vrši poslove fizičke i tehničke zaštite za 24 štice osobe podijeljene u tri kategorije, a osigurava i zaštitu za 130 objekata, od kojih je 112 u Sarajevu, 11 u Banjoj Luci, šest u Mostaru i jedan u Tuzli, te Memorijalni centar u Potočarima.

Kada su u pitanju zaposleni u ovoj policijskoj agenciji, direktor je istakao da je Pravilnikom o unutrašnjoj organizaciji i sistematizaciji radnih mjesta predviđeno 1135 policijskih službenika, a trenutno ih je zaposleno 865, dok su predviđena 74 državna službenika, a trenutno ih je 51. Također je istakao da je raspisan i u toku je konkurs za prijem 50 policijskih službenika u činu policajac.

Također, razgovarano je i o problemima s kojima se susreću u radu, a rukovodstvo Direkcije za koordinaciju policijskih tijela BiH je posebno istaklo problem neujednačenog kriterija o sticanju uslova za penzionisanje policijskih službenika Direkcije za koordinaciju policijskih tijela BiH, Državne agencije za istrage i zaštitu i Granične policije BiH koji dolaze iz Republike Srpske i one koji dolaze iz Federacije BiH.

Kada je u pitanju problem trajnog rješavanja smještaja Direkcije za koordinaciju policijskih tijela BiH, direktor je istakao da su u pregovorima s Vladom Kantona Sarajevo o etažiranju dijela prostorija JU „Studentski centar“ koje sada koriste, a za koje plaćaju zakup.

Dalje, direktor je istakao da se od početka pandemije koronavirusa postupa u skladu s odlukama Vijeća ministara BiH, te odlukama i preporukama kriznih štabova i da provode sve neophodne mjere za zdravlje i zaštitu svojih zaposlenih.

Na kraju su članovi Nezavisnog odbora naglasili da će i dalje, u okviru svojih nadležnosti, pružati podršku radu Direkcije za koordinaciju policijskih tijela BiH i poželjeli im mnogo uspjeha.

2. Državnoj agenciji za istrage i zaštitu, 14. 7. 2021.

Sastanak članova Nezavisnog odbora kao nezavisnog tijela policijske strukture BiH s direktorom Državne agencije za istrage i zaštitu Darkom Čulumom održan je 14. 7. 2021. u prostorijama Državne agencije za istrage i zaštitu. U ime Nezavisnog odbora sastanku su prisustvovali: Enes Obralića, predsjednik Nezavisnog odbora, Mate Miletić, Milan Stanić i Muhamed Mujakić, članovi Nezavisnog odbora, te Ivana Lovrić, sekretarka Nezavisnog odbora.

Nezavisni odbor izvještaj o ovoj posjeti nije razmatrao niti usvojio u 2021. godini. On će biti razmatran na jednoj od narednih sjednica Nezavisnog odbora u 2022. godini.

3. Graničnoj policiji BiH, 30. 8. 2021.

Sastanak članova Nezavisnog odbora kao nezavisnog tijela policijske strukture BiH s direktorom Granične policije BiH Zoranom Galićem i zamjenikom direktora Granične policije BiH Fahrudinom Halaćem održan je 30. 8. 2021. u prostorijama Granične policije BiH. U ime Nezavisnog odbora sastanku su prisustvovali: Uroš Pena, drugi zamjenik predsjednika Nezavisnog odbora, Nikola Džambas i Muhamed Mujakić, članovi Nezavisnog odbora, te Ivana Lovrić, sekretarka Nezavisnog odbora.

Nezavisni odbor izvještaj o ovoj posjeti nije razmatrao niti usvojio u 2021. godini. On će biti razmatran na jednoj od narednih sjednica Nezavisnog odbora u 2022. godini.

POGLAVLJE IV. SARADNJA S MEĐUNARODNIM ORGANIZACIJAMA I OSIGURANJE JAVNOSTI RADA

Sve sjednice Nezavisnog odbora pratili su i zaposleni u Sektoru za odnose s javnošću Sekretarijata Parlamentarne skupštine BiH te predstavnici medija u BiH. Javnost se može upoznati s radom Nezavisnog odbora i putem akata koje je ovaj odbor usvajao i putem zapisnika, jer su objavljeni na internetskoj stranici Parlamentarne skupštine BiH. Na ovaj način osigurana je transparentnost rada Nezavisnog odbora.

POGLAVLJE V. ADMINISTRATIVNO-TEHNIČKA PODRŠKA RADU

Zajednička služba Sekretarijata Parlamentarne skupštine BiH je, prema Zakonu o nezavisnim i nadzornim tijelima policijske strukture u BiH, zadužena da pruža svu administrativno-tehničku podršku radu Nezavisnom odboru. Zajednička služba osigurala je potrebne uslove za rad Nezavisnog odbora angažiranjem stručnog osoblja, ali i osiguravanjem materijalno-tehničkih i drugih uslova za nesmetan rad.

POGLAVLJE VI. PREPORUKE I ZAKLJUČCI

Nezavisni odbor realizirao je većinu programskih aktivnosti planiranih u 2021. godini, a u skladu sa Zakonom o nezavisnim i nadzornim tijelima policijske strukture Bosne i Hercegovine.

Nezavisni odbor predlaže Parlamentarnoj skupštini BiH da usvoji Izvještaj o radu Nezavisnog odbora kao nezavisnog tijela policijske strukture u BiH za 2021. godinu.



PRILOG: Tabela prikaz održanih sjednica i prisustvo članova Nezavisnog odbora u 2021. godini

**TABELARNI PRIKAZ ODRŽANIH SJEDNICA I PRISUSTVA ČLANOVA
SJEDNICAMA NEZAVISNOG ODBORA ZA 2021. GODINU**

Broj i datum održavanja sjednice	Ime i prezime člana Nezavisnog odbora									
	Tatjana Klječanin-Martić	Enes Obralija	Mato Jozić	Ilma Mehić-Jusufova	Adisa Begić	Nikola Džambas	Mate Miletić	Ljubomir Kuravica	Vladimir Jurišić	
78. sjednica 18. 1. 2021.	Opravdano odsutna	+	+	+	+	+	+	+	+	
79. sjednica 2. 2. 2021.	Opravdano odsutna	+	+	+	+	+	+	+	+	

Napomena: Tatjana Klječanin-Martić, predsjednica Nezavisnog odbora, dopisom broj: 01,02,05/1-34-1-1382/18 od 7. 6. 2018, podnijela je Zahtjev za razrješenje dužnosti člana Nezavisnog odbora kao nezavisnog tijela policijske strukture BiH.

Dom naroda Parlamentarne skupštine Bosne i Hercegovine je na 41. sjednici, održanoj 27. jula 2018, donio Odluku o razrješenju dužnosti člana Nezavisnog odbora kao nezavisnog tijela policijske strukture BiH Tajane Klječanin-Martić dok Predstavnički dom Parlamentarne skupštine navedeni zahtjev nije razmatrao.

Broj i datum održavanja sjednice	Ime i prezime člana Nezavisnog odbora									
	Enes Obralija	Miše Čavar	Uroš Pena	Enes Bezdob	Muhamed Mujakić	Mate Miletić	Nikola Džambas	Darko Kremenović	Milan Stanić	
Konstituirajuća sjednica - 9. 3. 2021.	+	+	+	+	+	+	+	+	+	
2. sjednica 12. 4. 2021.	+	+	+	+	+	+	+	+	+	
3. sjednica 18. 5. 2021.	+	+	+	Opravdano odsutan	+	+	+	+	+	
4. sjednica 22. 6. 2021.	+	+	+	+	+	+	+	+	+	
5. sjednica 14. 7. 2021.	+	+	+	+	+	+	+	+	+	
6. sjednica 26. 10. 2021.	+	+	+	+	+	+	+	+	+	
7. sjednica 24. 11. 2021.	+	+	+	+	+	+	+	+	+	
8. sjednica 14. 12. 2021.	+	+	+	+	+	Opravdano odsutan	+	+	+	

Napomena:

Na osnovu člana 5. st. (1) i (3) Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08), Parlamentarna skupština Bosne i Hercegovine, na 16. sjednici Predstavničkog doma, održanoj 3. februara 2021. godine, i na 15. sjednici Doma naroda, održanoj 10. februara 2021. godine, donijela je Odluku o imenovanju članova Nezavisnog odbora kao nezavisnog tijela policijske strukture Bosne i Hercegovine.



Broj: 05/1-50-15-26-10-7/22
Sarajevo, 22.4.2022.

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
DOM NARODA

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

5

PRIMLJENO: 25-04-2022			
Organizaciona jedinica	Klasifikaciona oznaka	Redni broj	Broj priloge
05/1-50-15-		647/	22

PREDMET: Plan rada Nezavisnog odbora kao nezavisnog tijela policijske strukture Bosne i Hercegovine za 2022. godinu

Poštovani,

U skladu sa članom 7. stav (1) tačka b) Zakona o nezavisnim i nadzornim tijelima policijske strukture u Bosni i Hercegovini ("Službeni glasnik BiH" broj 36/08) i članom 9. Poslovnika o radu Nezavisnog odbora kao nezavisnog tijela policijske strukture BiH ("Službeni glasnik BiH" broj 93/09) Nezavisni odbor je na 10. sjednici održanoj 19.4.2022. godine usvojio Plan rada Nezavisnog odbora kao nezavisnog tijela policijske strukture Bosne i Hercegovine za 2022. godinu, koji dostavlja Parlamentarnoj skupštini BiH na usvajanje.

S poštovanjem,



Prilog: Plan rada Nezavisnog odbora kao nezavisnog tijela policijske strukture za 2022. godinu na bosanskom, hrvatskom i srpskom jeziku

Dostavljeno:

- Naslovu
- a/a



Broj: 05/1-50-15-26-10-5/22

Sarajevo, 19. 4. 2022.

PLAN RADA
NEZAVISNOG ODBORA KAO NEZAVISNOG TIJELA POLICIJSKE
STRUKTURE BOSNE I HERCEGOVINE ZA
2022. GODINU

April 2022. godine

Na osnovu člana 7. stav (1) tačka b) Zakona o nezavisnim i nadzornim tijelima policijske strukture Bosne i Hercegovine i člana 9. tačka b) Poslovnika o radu Nezavisnog odbora kao nezavisnog tijela policijske strukture Bosne i Hercegovine, Nezavisni odbor kao nezavisno tijelo policijske strukture Bosne i Hercegovine na 10. sjednici, održanoj 19. 4. 2022, usvojio je i Parlamentarnoj skupštini Bosne i Hercegovine dostavlja

PLAN RADA NEZAVISNOG ODBORA KAO NEZAVISNOG TIJELA POLICIJSKE STRUKTURE BOSNE I HERCEGOVINE ZA 2022. GODINU

POGLAVLJE I. UVODNI DIO

Na osnovu člana 2. Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08), osnovan je Nezavisni odbor kao nezavisno tijelo Parlamentarne skupštine BiH koji je nadležan za: provođenje procesa izbora kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH; objavljivanje javnih konkursa i razmatranje prijave kandidata, način provođenja izbora kandidata za rukovodioce i zamjenike rukovodilaca policijskih tijela BiH, razmatranje pritužbi na rad rukovodilaca i zamjenika rukovodilaca policijskih tijela BiH, iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH, predlaganje smjenjivanja rukovodilaca i zamjenika rukovodilaca policijskih tijela BiH za čiji je izbor nadležan, ako su počinili krivično djelo, odnosno ako počine tešku povredu službene dužnosti, osim za krivična djela iz oblasti sigurnosti saobraćaja, prikupljanje podataka i vođenje odgovarajućih evidencija u skladu sa zakonom i drugim propisima.

Nezavisni odbor u svom radu djeluje isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja ili bilo kojeg naroda u Bosni i Hercegovini. Iz tog razloga Nezavisni odbor će u svom radu stvarati uslove za zakonitost rada policijskih tijela BiH i biti u ulozi nezavisne kontrole rukovodilaca i zamjenika rukovodilaca policijskih tijela, te pratiti njihov rad, kao i uslove i standarde za postupanje policijskih tijela BiH.

POGLAVLJE II. PLANIRANE AKTIVNOSTI

Nezavisni odbor usmjerit će svoje aktivnosti na to da rukovodioci i zamjenici rukovodilaca policijskih tijela BiH budu izabrani u zadatim rokovima, te da se njihov rad prati i nadzire kako bi se stvorili uslovi za efikasno i pravilno provođenje zakona.

Nezavisni odbor realizirat će aktivnosti u skladu s nadležnostima koje su propisane Zakonom o nezavisnim i nadzornim tijelima policijske strukture Bosne i Hercegovine, te drugim zakonima i propisima u vezi s ovom oblasti. Jedna od važnih aktivnosti Nezavisnog odbora odnosit će se na sagledavanje stanja i problema u radu policijskih tijela BiH, kao i na praćenje rada izabranih rukovodilaca i njihovih zamjenika. U 2022. godini potrebno je ostvariti punu saradnju s Vijećem ministara BiH, Ministarstvom sigurnosti BiH, policijskim tijelima BiH i drugim institucijama u BiH, a sve s ciljem stvaranja uslova za efikasan i zakonit rad policijskih tijela BiH.

Nezavisni odbor saradivati će i s međunarodnim organima i organizacijama, kao i s predstavnicima Evropske unije koji prate rad policijskih tijela u BiH.

U realizaciji navedenih programskih aktivnosti Nezavisni odbor zahtijevat će određene informacije i podatke od nadležnih organa i tijela u BiH, a administrativno-tehničku podršku Nezavisnom odboru pružat će Zajednička služba Sekretarijata Parlamentarne skupštine BiH.

POGLAVLJE III.

REALIZACIJA PLANIRANIH AKTIVNOSTI NEZAVISNOG ODBORA

1. Održavanje redovnih sjednica Nezavisnog odbora - jednom mjesečno, a po potrebi i češće

NOSILAC: Nezavisni odbor, Zajednička služba Sekretarijata Parlamentarne skupštine BiH

ROK: kontinuirano tokom 2022. godine

2. Provođenje procesa izbora kandidata za pozicije direktora i zamjenika direktora Granične policije BiH, direktora i zamjenike direktora Direkcije za koordinaciju policijskih tijela BiH i zamjenika direktora Državne agencije za istrage i zaštitu

NOSILAC: Nezavisni odbor

ROK: Februar - maj 2022. godine

3. Razmatranje eventualnih pritužbi na rad rukovodilaca i zamjenika rukovodilaca policijskih tijela BiH

NOSILAC: Nezavisni odbor

ROK: kontinuirano tokom 2022. godine

4. Iniciranje i pokretanje disciplinskog postupka protiv rukovodilaca i zamjenika rukovodilaca policijskih tijela BiH u slučajevima predviđenim zakonom

NOSILAC: Nezavisni odbor

ROK: tokom 2022. godine kada Nezavisni odbor ocijeni to opravdanim

5. Održavanje zajedničkih i pojedinačnih sastanaka s direktorima i zamjenicima direktora policijskih agencija BiH, što uključuje i posjete policijskim agencijama, s ciljem sagledavanja njihovog i rada policijskih agencija na nivou BiH

NOSILAC: Nezavisni odbor, Zajednička služba Sekretarijata Parlamentarne skupštine BiH

ROK: tokom 2022. godine, po potrebi ili na osnovu zaključka Nezavisnog odbora

6. Upućivanje zahtjeva za dostavljanje polugodišnjih, a po potrebi kvartalnih ili posebnih izvještaja o radu Državne agencije za istrage i zaštitu, Granične policije BiH i Direkcije za koordinaciju policijskih tijela BiH

NOSILAC: Nezavisni odbor

ROK: tokom 2022. godine, po potrebi ili na osnovu zaključka Nezavisnog odbora

7. Obavljanje razgovora s direktorima i zamjenicima direktora policijskih agencija BiH, s ciljem sagledavanja i utvrđivanja određenih okolnosti u pogledu eventualno podnesene predstave i pritužbe na njihov i rad policijskih agencija na nivou BiH kojima rukovode

NOSILAC: Nezavisni odbor

ROK: tokom 2022. godine, po potrebi ili na osnovu zaključka Nezavisnog odbora

8. Održavanje zajedničkih sastanaka i uspostavljanje saradnje s Vijećem ministara BiH i drugim radnim tijelima Parlamentarne skupštine BiH, s posebnim akcentom na Zajedničku komisiju za odbranu i sigurnost BiH, s ciljem sagledavanja zajedničkih obaveza, izvršavanja zaključaka Zajedničke komisije i Parlamentarne skupštine BiH i razmjene informacija i podataka

NOSILAC: Nezavisni odbor

ROK: tokom 2022. godine, na poziv navedenih, po potrebi ili na osnovu zaključka Nezavisnog odbora

9. Održavanje zajedničkih sastanaka s Ministarstvom sigurnosti BiH s ciljem unapređenja i sagledavanja zajedničkih obaveza, razmjene informacija, poduzimanje mjera i radnji u okviru nadležnosti Nezavisnog odbora.

NOSILAC: Nezavisni odbor

ROK: tokom 2022. godine, na poziv, po potrebi ili na osnovu zaključka Nezavisnog odbora

10. Saradnja i razmjena podataka i iskustava s Odborom za žalbe građana Parlamentarne skupštine BiH i Odborom za žalbe policijskih službenika Vijeća ministara BiH održavanjem zajedničkih sastanaka ili provođenjem drugih dogovorenih aktivnosti

NOSILAC: Nezavisni odbor

ROK: tokom 2022. godine, na poziv ili na osnovu zaključka Nezavisnog odbora

11. Učešće na seminarima i saradnja s policijskim tijelima BiH i drugim organima u BiH

Tokom 2022. godine Nezavisni odbor će, u skladu s finansijskim mogućnostima i objektivnim okolnostima, učestvovati na seminarima, te saradivati s policijskim tijelima BiH

i drugim nadležnim organima u BiH radi obavljanja poslova i zadataka iz svoje nadležnosti, a sve s ciljem stvaranja uslova i uspostavljanja standarda za efikasan rad policijskih tijela BiH.

NOSILAC: Nezavisni odbor, Zajednička služba Sekretarijata Parlamentarne skupštine BiH

ROK: kontinuirano tokom 2022. godine, odnosno po ukazanoj potrebi i u skladu s finansijskim mogućnostima

12. Studijske posjete i seminari u zemljama Evropske unije i drugim zemljama, radi razmjene iskustava

U okviru programa pomoći BiH, posebno Instrumenta pretprijetne pomoći - IPA, Instrumenta za tehničku pomoć i razmjenu - TAIEX i uz podršku Zajedničke službe Sekretarijata Parlamentarne skupštine BiH, bit će planirane studijske posjete s ciljem razmjene iskustava između sličnih organa i policijskih agencija iz zemalja Evropske unije i drugih zemalja.

NOSILAC: Nezavisni odbor, Zajednička služba Sekretarijata Parlamentarne skupštine BiH

ROK: tokom 2022. godine, na poziv spomenutih institucija, po potrebi ili na osnovu zaključka Nezavisnog odbora i u skladu s odobrenim finansijskim sredstvima

13. Druge aktivnosti i obaveze po ukazanoj potrebi i na osnovu zaključaka Nezavisnog odbora

NOSILAC: Nezavisni odbor

ROK: tokom 2022. godine, po potrebi ili na osnovu zaključka Nezavisnog odbora

14. Obrada podataka i vođenje evidencija u skladu sa zakonom i drugim propisima

NOSILAC: Nezavisni odbor, Zajednička služba Sekretarijata Parlamentarne skupštine BiH

ROK: kontinuirano tokom 2022. godine

15. Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine

Krajem 2022. godine, odnosno početkom 2023. Nezavisni odbor dostavit će Parlamentarnoj skupštini BiH izvještaj o radu za 2022. godinu, a po potrebi će dostavljati posebne izvještaje na zahtjev Parlamentarne skupštine BiH.

NOSILAC: Nezavisni odbor, Zajednička služba Sekretarijata Parlamentarne skupštine BiH

ROK: decembar 2022. godine, a po potrebi i češće

POGLAVLJE IV. MATERIJALNO-TEHNIČKA SREDSTVA

U realizaciji godišnjih programskih aktivnosti, administrativno-tehničku podršku Nezavisnom odboru pružat će Zajednička služba Sekretarijata Parlamentarne skupštine BiH. Ta podrška se, između ostalog, odnosi i na osiguravanje potrebnog kancelarijskog materijala, računara, projektor, radnih prostorija kao i prostorija za čuvanje dokumentacije i administrativno-tehničkih sredstava s ciljem efikasnog i nesmetanog rada Nezavisnog odbora.

NOSILAC: Nezavisni odbor, Zajednička služba Sekretarijata Parlamentarne skupštine BiH

ROK: kontinuirano tokom 2022. godine

POGLAVLJE V. PREPORUKE I ZAKLJUČCI

Nezavisni odbor će realizacijom planiranih aktivnosti u 2022. godini, u skladu s odredbama Zakona o nezavisnim i nadzornim tijelima policijske strukture Bosne i Hercegovine, nastojati da poveća ukupnu efikasnost u radu policijskih tijela Bosne i Hercegovine.

